

**O ROSAL**

## Primeiro.- Tarifa

1.- Vivendas, Por cada vivenda anual.....	2.000.- ptas
2.- Aloxamentos:	
Hoteis, moteis e hoteis-apartamento, hostais, casas de hóspedes, etc., calquera que fora a súa categoría .....	10.000 ptas
3.- Establecementos de alimentación:	
- Economatos, cooperativas de todo tipo de establecementos de venda ó público ó por menor .....	4.000 ptas
- Supermercados .....	8.000 ptas
- Almacens ó por maior de froita, verduras, hortalizas e flor.....	10.000 ptas
- Pescaderías, carnicerías e similares .....	4.000 ptas
4.- Establecementos de restauración:	
- Cafeterías, whisquerías e pubs, bares e tabernas.....	4.000 ptas
- Restaurantes .....	10.000 ptas
- Restaurantes con máis de dous empregados .....	50.000 ptas
5.- Locais industriais ou mercantís:	
- Industrias con nave propia e máis de 3 traballadores .....	20.000 ptas
- Centros oficiais, oficinas bancarias e demais locais - non expresamente tarifados .....	4.000 ptas

Segundo.- Data de aprobación: 26 de outubro de 1998

**VALGA**

## Primeiro.- TARIFA.

a) Usos domésticos.....	2.139 PTS/ANO + I.V.E.
b) Usos comerciais e industriais .....	4.634 PTS/ANO + I.V.E.

Estas tarifas incrementaranse anualmente para o Concello na porcentaxe do custo da vida, de acordo cos índices oficiais do Instituto Nacional de Estatística.

Segundo.- Data de aprobación: 29 de outubro de 1998

**ORDENANZA REGULADORA DA TAXA POR SERVICIOS DE DISTRIBUCIÓN DE AUGA, GAS, ELECTRICIDADE E OUTROS ABASTECIMENTOS PÚBLICOS INCLUÍDOS OS DEREITOS DE ENGANCHE DE LIÑAS E COLOCACIÓN E UTILIZACIÓN DE CONTADORES E INSTALACIÓNS ANÁLOGAS, CANDO DITOS SERVICIOS OU SUBMINISTROS SEXAN PRESTADOS POR ENTIDADES LOCAIS**

**Artigo 1º. Natureza e fundamento**

No uso das facultades concedidas polos artigos 133.2 e 142 da Constitución, polo artigo 106 da Lei 7/85, de 2 de abril, reguladora das bases do réxime local, e os artigos 20 e 58 da Lei 39/88, de 28 de decembro, e de conformidade co disposto nos artigos 15 a 19 da Lei 39/88, de 28 de decembro, acorda a imposición e ordenación da Taxa por servicios de distribución de auga, gas, electricidade e outros abastecementos públicos incluídos os dereitos de enganche de liñas e colocación e utilización de contadores e instalacións análogas, cando ditos servicios ou subministros sexan prestados por entidades locais.

**Artigo 2º. Feito imponible**

Constitúen o feito imponible da Taxa a prestación dos servicios de distribución de auga, gas, electricidade e outros abastecementos públicos incluídos os dereitos de enganche de liñas e colocación e utilización de contadores e instalacións análogas.

**Artigo 3º. Suxeitos pasivos**

- Serán suxeitos pasivos contribuíntes as persoas físicas ou xurídicas e as entidades ás que se refire o artigo 33 da Lei xeral tributaria que ocupen ou utilicen as vivendas e locais situados nos lugares, prazas, rúas ou vías públicas nas que se preste o servicio, xa sexa a título de propietario ou de usufructuario, habitacionista, arrendatario ou incluso de precario.

- Terán a consideración de suxeitos pasivos substitutos do contribuínte os propietarios das vivendas ou locais que poderán repercutir, no seu caso, as cotas satisfeitas sobre os usuarios daquelas, beneficiarios do servicio.

**Artigo 4º. Responsables**

- Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.

- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

**Artigo 5º. Cota tributaria**

A cota desta taxa será a que figura no anexo desta ordenanza.

**Artigo 6º. Beneficios fiscais**

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

**Artigo 7º. Devengo**

A) Cando se trate de servicios non periódicos:

Devéngase a taxa e nace a obriga de contribuír cando se presente a solicitude de prestación do servicio ou actividade.

B) Cando se trate de servicios periódicos:

Devéngase a taxa e nace a obriga de contribuír o primeiro día de cada ano natural, excepto no momento da alta no padrón, caso no que se devengará a partir dese mesmo momento.

**Artigo 8º. Liquidación**

A) Cando se trate de servicios non periódicos:

- Cando se trate de servicios ou actividades cunha liquidación que se poida cuantificar no momento de presenta-la solicitude de prestación, liquidarase nese mesmo momento ou no momento posterior, pero sempre antes de presta-lo servicio ou de realiza-la actividade.

- Cando se trate de servicios ou actividades cunha liquidación que non se poida cuantificar no momento de presenta-la solicitude da prestación do servicio ou da realización da actividade, practicarase a liquidación unha vez prestado o servicio ou realizada a actividade.

- Se se realiza a prestación do servicio ou a actividade sen mediar solicitude, liquidarase e notificarase a taxa tan pronto se detecte esta situación, esixíndose o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.

B) Cando se trate de servicios periódicos:

Practicarase a liquidación única anual ou coa periodicidade que se determine nas tarifas desta taxa.

**Artigo 9º. Ingreso**

O pagamento desta taxa realizarase:

- Cando se trate de liquidacións cunha cuantificación que se poida efectuar antes de presta-lo servicio ou de levar a cabo a actividade, realizarase o ingreso antes da prestación do servicio ou realización da actividade na Tesourería municipal ou nas entidades financeiras que se sinalen na liquidación.

- Cando se trate de liquidacións cunha cuantificación que non se poida efectuar con anterioridade á prestación do servicio ou realización da actividade, farase o ingreso nos prazos e lugares que se sinalen na liquidación.

- Cando se trate de liquidacións periódicas, nos prazos e nos lugares que se sinalen no edicto de exposición ó público.

**Artigo 10º. Infraccións e sancións**

Nesta materia estarase ó disposto na Lei xeral tributaria e normativa de desenvolvemento.

**Artigo 11º. Normas de xestión**

- As persoas ou entidades interesadas na prestación dos servicios que se citan no artigo segundo desta ordenanza, deberán presentar solicitude por escrito na que se detalle o lugar para o que se solicita e demais requisitos que esixa cada concello.

- Unha vez autorizada a prestación do servicio entenderase prorrogado mentres non se presente a declaración de baixa polo interesado, a non ser que se trate de servicios non periódicos.

- Cando remate a necesidade do servicio, por cambio de propietario ou declaración de ruína do inmovible, os suxeitos pasivos substitutos do contribuínte formularán as declaracións de baixa no padrón da taxa e surtirá efectos no período natural seguinte ó da súa presentación, podendo, no seu caso, prorratearse polo período de liquidación das tarifas. A non presentación da baixa determinará a obriga de continuar aboando a taxa.

**Disposición adicional única**

Cando existan os convenios de colaboración ós que fai referencia o artigo 27.2 da Lei 39/88, do 28 de decembro, os procedementos de liquidación e recadación regulados nos artigos 8 e 9 desta ordenanza cederán ante a regulación prevista nos convenios.

**Disposición Final**

A presente ordenanza fiscal, cunha redacción definitiva aprobada polo Pleno da corporación na sesión que tivo lugar na data que se expresa no anexo a esta ordenanza, entrará en vigor o día 1 de xaneiro de 1999.

**ANEXOS-CONCELLOS****ARBO****Primeiro. Tarifa.**

CONCEPTO	Ptas.
- Usos domésticos ata 20m <sup>3</sup> /mes anualmente.....	4.500
- Usos industriais e comerciais hata 25m <sup>3</sup> /mes anualmente .....	6.500

c) Por acometida, ptas .....	5.000
d) Por contador, ptas .....	4.000
En supostos excepcionais e coa debida autorización municipal, cando non sexa posible instalar contador facturarase a razón de:	
Vivendas, ptas/mes .....	1.000
Actividades industriais, comerciais e obras, ptas/mes.....	6.000
Estas tarifas sufrirán un incremento anual segundo o aumento do IPC resultante do ano anterior.	
Segundo.- Data de aprobación: 25 de setembro de 1998.	

**FORCAREI****Primeiro. Tarifa.**

- Por conexión coa rede de augas, para obra en construción, (non transferible) .....	30.250
- Por conexión para cada vivenda, local comercial ou análogos .....	24.200
- Cota anual por acometida:	
* Bares, restaurantes, cafeterías, hostais, talleres de pe- dra, talleres mecánicos, estabulos, e similares .....	10.000
* Outros comercios, industrias ou negocios .....	5.000
* Vivendas particulares .....	3.000
Os primeiros 20 m/3 mensuais consumidos quedan exentos excepto para obras en construción que cotizarían a.....	
para obras en construción que cotizarían a.....	60
- Por consumo do exceso de 20 m/3 por mes .....	60

**Segundo. Outras normas especiais de xestión.**

Os 20 m/3 gratuítos quedarán reducidos a 10 m/3 en época de estiaxe ou escaseza de auga, se fose necesario, incluídos os usuarios que por acordo municipal tiveran concedida a exención de 20 m/3, aboándose, nese caso, o exceso de 11 a 20 m/3 ó importe de 60 pts. por m/3.

A Cota fixa polo servizo establecerase anualmente, semestralmente, trimestre ou bimestre, segundo as necesidades do concello.

Establecerase igualmente o mesmo criterio para o consumo de auga, se ben, os contadores poderánse comprobar mensualmente, aplicando as cotas correspondentes de acordo con estas medicións.

Cando a conexión estea situada nunha veiga o contador deberá estar ubicado no límite da propiedade da mesma, de forma que o acceso a eles, para a súa lectura e demais comprobacións, sexa o máis fácil posible.

No caso de avería dos contadores, os propietarios deberán reparalos ou instalalos novos no prazo de 10 días, comunicándollos ó Concello; sendo os gastos a cargo dos propietarios.

Presumirase como renuncia á prestación do servizo:

- As derivacións do contador ou a súa manipulación.
- O incumprimento de bandos de restricción en época de seca.
- Poñer impedimento ós funcionarios do Concello cando procedan á lectura de contadores.

Terceiro. Data de aprobación: 14 de outubro de 1998

**FORNELOS DE MONTES****Primeiro. Tarifa.**

A. Por cada subministración domiciliar de auga potable, ó ano a particulares: .....	2.400 ptas.
B. Por cada subministración domiciliar de auga potable ó ano, a industrias, comercios e demais establecementos: .....	3.400 ptas.
C. Por dereitos de cada acometida: .....	70.000 ptas.
D. Por instalación de cada contador: .....	10.000 ptas.
E. Por cada metro lineal de manguera, a partir de cinco, cando a súa instalación se solicite ó Concello: .....	1.000 ptas.

Segundo. Data de aprobación: 16 de outubro de 1998.

**AGOLADA****Primeiro.- Tarifas**

As tarifas da presente Taxa serán as seguintes:

- Usos domésticos particulares	
10 m/3 mínimo .....	20 Ptas m/3.
de 10 ata 20 m/3 .....	35 Ptas m/3.
de 20 en diante .....	58 Ptas m/3.
- Usos comerciais e industriais	
25 m/3 mínimo .....	35 Ptas m/3.
de 25 ata 100 m/3 .....	47 Ptas m/3.
de 100 en diante .....	70 Ptas m/3.
- Uso solares sen edificar .....	75 Ptas m/3.
- Acometidas Rede de augas .....	6.000.- Ptas.